

**MINISTER ENDY CROES TA FELICITA
TUR MAESTRO Y DOCENTE RIBA**

DIA MUNDIAL DI MAESTRO
Danki pa ta un maestro y docente
excepcional, educando nos profesionalnan
di mañan



WWW.SOLODIPUEBLO.COM



SOLODIPUEBLO@GMAIL.COM

CHAUFFEUR TA SCAPA MILAGROSAMENTE DI ACCIDENTE PISA DIABIerna ATARDI



ARUBA A DESTACA COMPROMISO PA E INDUSTRIA CRUCERO DURANTE DI SEATRADE CRUISE MED 2024

MINISTER ENDY CROES A RICIBI RECONOCIMIENTO DI DESTROYER RACING Y E MUNDO DI VELOCIDAD

Pa su esfuerzo, dedicacion y
determinacion pa cu e pista di Palo
Marga ta un realidad



MINISTER ENDY CROES TA FELICITA TUR MAESTRO Y DOCENTE RIBA DIA MUNDIAL DI MAESTRO

Danki pa ta un maestro y docente excepcional, educando nos profesionalnan di mañan



: En conexion cu Dia Mundial di Maestro, Minister Endy Croes a bishita diferente scol rond di Aruba. Como muestra di aprecio y gratitud e mandatario di Enseñansa a hiba un detaye chikito pa e maestronan pa nan excelente trabou cu nan ta eherce tur dia.



Manera ta conoci, Dia Mundial di Maestro ta wordo celebra dia 5 di october. Minister Endy Croes ta felicita y gradici cada maestro y docente pa nan trabou excepcional y determinacion pa educa nos mucha- y hobennan pa ta e profesionalnan di mañan.



inspira mi pa haci lo miho den mi funcion. Danki pa ta extraordinario”, Minister Endy Croes a finalisa.

Bo dedicaion y pasion ta



HOOFDSTEMBUREAU

Segun articulo 30 inciso 2 di nos Ordenansa Electoral, Hoofdstembureau ta participa cu den decreto ministerial di dia 26 september 2024 a stipula cu si acaso usa colornan riba e papel di voto, e siguiente colornan lo por wordo uza como color pa e listanan di candidato si acaso esaki aparece riba e papel di voto pa eleccion cu lo tuma luga dia 6 december 2024.

E colornan ta: bruin, lichtblauw, donkerblauw, geel, groen, lichtgrijs, donkergrijs, oranje, lichtoranje, rood, roze, lichtroze, magenta, lichtpaars, donkerpaars, kaki, wit, olijfgroen.

HOOFDSTEMBUREAU

Conform artikel 30 lid 2 Kiesverordening maakt het Hoofdstembureau bekend dat bij ministeriële beschikking van 26 september 2024 is bepaald dat in het geval dat het stembiljet voorzien wordt van een kleuropdruk, de volgende kleuren voor de kleuropdruk van de op het stembiljet voorkomende lijsten van kandidaten bij de verkiezingen van 6 december 2024 door de politieke partijen kunnen worden gebezigd.

Deze kleuren zijn: bruin, lichtblauw, donkerblauw, geel, groen, lichtgrijs, donkergrijs, oranje, lichtoranje, rood, roze, lichtroze, magenta, lichtpaars, donkerpaars, kaki, wit, olijfgroen.


Clasificados



SOLODIPUEBLO@GMAIL.COM
CEL.585 9500



CHAUFFEUR TA SCAPA MILAGROSAMENTE DI ACCIDENTE PISA DIABIerna ATARDI



Avenida Nelson O.Oduber - Diabierna atardi 911 ta haya yamada di un accidente pisa altura di King Plaza, poco panort di Taco Bell "Sasaki".

Mesora a cuminsa manda ambulance, polis,

brandweer.

Na yegada unidadnan di rescate ta topa cu un escena dramatico nos por bisa; mirando con a auto a keda y ainda e chauffeur un homber di edad pega den dje.



Ariba e caminda gran parti di e auto a keda gespart; arriba un algun meter.

LOCUAL A SOSODE

Na e sitio nos a papia cu chauffeur di e delivery truck; y e ela splica cu e la subi caminda for di banda di pariba. Segun su persona e la mira e vehiculo un Hyundai Sant Fe color blauw biniendo, pero no tawata sa cu e auto aki tawata biniendo arriba un velocidad hopi hopi halto.

E Hyundai lo a bay maniobra pa no dal patras di truck; pero posiblemente debi na e velocidad halto no por a haci mucho y ta dal contra e truck parti robes.

Den e impacto un van di un otro compania tambe a sufrí daño y sigui core bay



para basta mas panort.

pa Hospitaal.

Pa locual ta cabayero; ciudadanonan cu tawata cerca a baha pa yuda mesora.

Despues ora ambulance y demas servicionan di rescate a yega nan a tuma over. Dos ambulance a presenta y un unidad di Brandweer.

A logra saca e cabayero di vehiculo y e tawata na tino; unda e la wordo transporta

Caminda mester a wordo cera na e rotonde di Bowling, mirando cu e auto y masha hopi pisa a keda gespart.

Mester bisa cu sorto di accidentenan manera esaki no sa pasa hopi aki na Aruba; y ta un milager cu e cabayero a sali "ok" di esaki. Si tawata tin un pasahero sinta dilanti, e resultado lo no tawata nada bon.

ARUBA BANK TA ANUNCIA GANADORNAN DI E CAMPAÑA DI BENTA DI AUTO 'THIS IS MEGA'

Oranjestad – 04 di oktober 2024 – Aruba Bank ta sumamente contento pa anuncia e ganadornan di e campaña di Mega 2024. E prome premio di AWG 10,000 a bai pa Samantha Franken, y e di dos premio a bai pa Joandrel Geerman.

Na momento di entrega e premionan tabata presente representantenan di Aruba



Bank, Sra. Lizani Wever, Services, y Sra. Janine Manager Retail Sales and Maduro, Retail Manager.



ganador. Masha pabien na ambos

LOTTO TA BUSCANDO E MIYONARIO DI LOTTO 5! Pa e sorteo di diasabra 13 di juli 2024

Aruba – 5 di oct, 2024: 08-15-25-27-30 Joker: 29 y Diabierna 13 di juli, e Letter: E. E mesun anochi



resultado di Lotto 5 a ser conoci unda cu e numbernan cu a sali tabata a bira conoci cu tabata tin 1 solo ganado di e jackpot miyonario cu a gana e

suma di 1 miyon 650 mil florin.

Tur premio di Lotto cu wordo gana, e hungado por cobra su premio dentro di 90 dia pero den caso di e premio aki di Lotto 5 ainda e feliz miyonario aki no a pasa oficina di Lotto pa cobra su premio.

E ticket ganado aki a wordo cumpra na Sunshine Lottery situa na Noord.

Si abo lo por a cumpra bo ticket di Lotto 5 na Sunshine Lottery, check bo ticket pa wak si abo lo por tin e ticket ganado pa asina cobra e premio miyonario aki prome cu diabierna 11 di october!

Lotto, E Loteria di Aruba tin diferente wegá, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini

Mega y cu su Mega Plus, y e diferente weganan di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

EXITOSO BAN TOPA CU STUDIAANTENAN DI AMSTERDAM Y UTRECHT

Den Haag – Gabinete di Minister Plenipotenciario a tene un exitoso Ban Topa cu studiantenan for di Amsterdam y Utrecht.

Na The Team Building na Utrecht un cantidad di 30 estudiante a participa na e Ban Topa cu a consisti di un seccion di dialogo conduci pa directora di Gabinete di Aruba Joselin Croes LL.M/M.Sc.

Asina a toca temanan manera e preparacion na Aruba; nan idea y pensamiento riba e tarea di Gabinete di Aruba. Tambe a puntra e studiantenan ki tipo di actividadnan nan ta

desea pa keda organisa; kico ta e retonan cu nan a bin ta confrontando na Hulanda.

Durante di e dialogo aki e grupo di studiantenan por a duna contesta riba e preguntanan y asina recohe pensamentonan, ideanan y sugestionnan unda Gabinete di Aruba lo por sigi traha riba maneho hunto cu ministerio di Enseñansa di Aruba pa stimula e desaroyo y bienestar di studiantenan Arubiano na Hulanda.

Gabinete di Minister Plenipotenciario por mira bek riba un Ban Topa hopi exitoso, na unda pa medio di dialogo a tene un intercambio



habri cu e studiantenan pa asina sigi conecta y reforza y relacion entre Gabinete di Aruba y studiantenan Arubiano. Nota pa redaccion: E potretnan ta cortesía di Arubahuis



KOFFIEMORGEN

Cu Endy!

Y DUSHI PLATO
DI CHICKEN CUTSMALL

Dia Diadomingo, 6 di october 2024
Orario: 9.00am - 2.00pm
Luga Skina Cayente di Endy
na Santa Cruz (dilanti Mundo Nobo)
Info: Yama na 592-3327 | 746-7350



Bon Musica y bon Ambiente!

Nos ta wardabo!

UN AMIGO PA SEMPER,
ENDY SI!



FUNDRAISING CAMPAIGN ENDY CROES 2024

Lider di Fraccion di MEP, Hendrik Tevreden

HURAMENTACION DI JURIMA BRYSON COMO PROME OMBUDSMAN DI ARUBA TA UN PASO HISTORICO PA FORTALECE ESTADO DI DERECHO



Aruba 3 di October 2024: Lider di Fraccion di MEP, Hendrik Tevreden, a expresa su satisfaccion den sala di Parlamento diamars ultimo, enfatizando cu esaki ta un momento historico pa Aruba: e huramentacion di señora Jurima Bryson como e prome Ombudsman di Aruba.

Esaki no ta solamente un logro personal, sino tambe un paso fundamental pa e fortalecimiento di e estado di derecho y pa proteccion di e derecho di nos ciudadanonan.

Jurima Bryson

Jurima Bryson ta un ciudadano di San Nicolas. Su biahe educativo a cuminsa na St. Paulus School y despues na Colegio Arubano. Hopi lihe

el a muestra su capacidad academico excepcional, y cu gran determinacion el a bay Hulanda pa sigui su estudio na Universiteit Leiden, un universidad di prestigio. Na e edad di 22 aña, el a haya su Master den Derecho y el a specialisa su mes den Ley Notarial.

Densutrayecto profesional, Jurima no a limita su mes na un tereno so. Cu 25 aña el a huramenta como abogado, y awe e tin 17 aña di experiencia den e mundo huridico. Diesdos aña pasa el a funda su propio bufete di abogado y te recientemente esaki tabata e unico bufete den Savaneta.

Logronan y Contribucion Social
Ademas di su carrera profesional, Jurima

a contribui na hopi organisacion civico, manera Rotaract y Orde di Abogadonan, caminda el a asumi e rol di tesorero. Su dedicacion y liderazgo ta un aspecto clave den su exito profesional y comunitario.

E rol di Ombudsman

E nombramento di Jurima Bryson como Ombudsman ta marca un capitulo nobo den nos pais. Como Ombudsman, e lo ta e brug crucial entre pueblo y gobierno, brindando un espacio sigur pa e ciudadanonan busca ayuda ora cu nan ta sinti nan no ta wordo trata cu husticia. E Ombudsman ta investiga casonan di manera independiente y ta actua preventivamente, asegurando cu e proseso gubernamental ta core bon.

Un esfuerzo historico pa Aruba

Desde 1997, hopi esfuerso a wordo haci pa crea e institucion di Ombudsman na Aruba. E iniciativa a cuminsa bao e liderazgo di Zulay v. Poppen na 2004-2005. Den 2011,



Wyatt Ras y Lopez Tromp a introduci un mocion pa institui tambe un Kinderombudsman.

Finalmente, sr. Edgard Vrolijk a conclui e proceso di legislacion cu a permiti e creacion oficial di e ley. Sin duda, mester di un pabien grandi pa señora Kelly, Kwartiermaker di Ombudsman, pa su esfuerzo y compromiso den e desaroyo di e institucion. Jurima Bryson – Un Rol Crucial

Jurima Bryson lo ta un pieza clave den e cadena di proteccion pa e ciudadanonan. Su experiencia y dedicacion lo yuda pa mehora e comunicacion entre pueblo y gobierno, contribuyendo na un trato mas husto y transparente den nos sistema.

Apoyo Familiar

Jurima ta bin di un famia grandi y uni. E ta e di dos yiu muher den un famia di cuater. Su mayornan ta casa pa 47 aña y nan union a sirbi como fuente di estabilidad y inspiracion pa Jurima.

Deseo di Exito

“Nos ta desea di curason hopi exito na Jurima Bryson den su rol nobo como Ombudsman di Pais Aruba. Su capacidad pa compronde asuntonan huridico compleho, su conexcion cu e comunidad, y su fe den Dios lo garantisa cu e lo cumpli cu su rol cu integridad, empatia, y forsa”, Hendrik Tevreden a expresa.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



ARUBA BANK BOLAS TEAM TA LOGRA TERCER LUGAR DEN CAMPEONATO DI BOLAS ORGANISA PA BALASHI ARUBA



04 di oktober 2024 - competitivo aki!

Durante e Campeonato di bolas organisa pa Balashi Aruba, Aruba Bank bolas team a logra e puesto di tercer lugar den e competencia altamente

E logro aki ta un demostracion di e dedicacion, trabou duro, y excelente di trabao den ekipo cu cada miembro a

mustra.

Bolas ta conoci pa su combinacion desafiador di actividadnan fisico y mental, a uni participante di varios organisacionnan pa pone nan resistencia, forza, y habilidadnan di colaboracion na prueba.

E ekipo di bolas di Aruba Bank a tuma cada desafio cu determinacion y pensamiento strategico, demostrando nan



perseverancia cu ta defini e cultura na Aruba Bank.

Nos ta sumamente orguyoso di nos ekipo su presentacion. Nos ta extende nos gratitud na e



organisadornan di e evento aki, como tambe nos coleganan cu a participa y tambe tur cu a bai apoya.

Pabien cu e tremendo logro.

ARUBA A DESTACA COMPROMISO PA E INDUSTRIA CRUCERO DURANTE DI SEATRADE CRUISE MED 2024 ‘Cu presencia di Aruba Tourism Authority (A.T.A.) y Aruba Ports Authority (APA)’



Aruba Tourism Authority (A.T.A.) y Aruba Ports Authority (APA) orguyosamente a participa durante luna di september den Seatrade Cruise Med 2024 na Málaga, Spaña. Aruba hunto cu otro destinacionan Caribeño a unifican un stand cu sobresali

y atrae hopi interes durante feria ‘Caribbean Village’. Estableciendo un presencia fuerte y subrayando tur locual e industria crucero tin pa ofrece den e region.

Seatrade Cruise Med, un evento cu ta tuma lugar cada pasa un año,

ta un conferencia y feria di comercio principal. Unda cu ta reuni miles di socionan internacional importante diferente linea crucero, waf, destinacion, y proveedor di servicio di e industria global di crucero. E edicion di e año aki na Málaga a presenta un programa extenso di conferencia, exhibicion y tayer. A enfoca riba topiconan clave di e industria, di entre otro, sostenibilidad, inovacion y tecnologia, y mehoracion di experiencia di e huesped. Seatrade Cruise Med a wordo organisa mesun temporada cu a celebra ‘Cruise Days Málaga’, amplificando mas ainda e importancia di e evento y resaltando e rol di e ciudad como un hub di crucero



principal den e area Mediterraneo.

Cu continuidad di participacion na Seatrade Cruise Med, Aruba ta keda forma parti di un plataforma prestigioso cu ta fortalece e relacion den e industria crucero. Un evento cu ta brinda espacio pa reuni cu lineanan di crucero y socionan clave den e industria, cu enfoca riba colaboracion y futuro oportunidadnan pa Aruba

na bira un destinacion di crucero lider den e Caribe.

Aruba a wordo bon representa pa Monica Bos Cruise Manager di A.T.A., Marc Figaroa CEO di APA, y Mario Arends Commercial Manager di APA. Cu un esfuerzo colaborativo a enfatisa e compromiso di Aruba pa fortalece relacion y conexcion cu socionan global di crucero den e industria.

MINISTER THIJSSEN A REUNI CU WETHOUDER DI EINDHOVEN STIJN STEENBAKKERS

Den Haag – Minister Plenipotenciario demisionario mr. Ady Thijsen a reuni cu wethouder di Eindhoven Stijn Steenbakkers. Wethouder Steenbakkers ta responsabel entre otro pa e Brainport, Economia y Enseñansa.

Sr. Thijsen a cuminsa na duna un splicacion na wethouder Steenbakkers riba e vision y mision di Gabinete di Aruba cu ta concentra su mes riba haci Aruba mas visibel na Hulanda, Reino Hulandes y Union Europeo. Tambe e mandatario a papia riba oportunidad di cooperacion entre Aruba y gemeenten, provincia, institutonan, hogescholen, universidadnan, comercio

y embahadanan.

Demisionario Minister Thijsen a bisa cu Aruba a recupera hopi liher di e pandemia y cu e cantidad di turistanan cu ta bishita Aruba a surpasa e cifranan prome cu e pandemia. Esey segun sr. Thijsen no ta kita afor cu Aruba lo mester diversifica su economia pa trece un balansa economico. Den esaki ta pensa na proyectonan riba e tereno di agricultura, energia duradero, manera hydroyen y tambe comberti Aruba den un hub entre Hulanda y Latino America.

Wethouder Steenbakkers a elabora riba e importancia di Brainport pa Eindhoven y principalmente e presencia di ASML y hopi otro empresanan cu ta

suministra e industria di fabricacion di chip. Esaki segun e wethouder ta rekeri un demanda grandi di personal tecnico y pesey a start cu programanan pa re educa personal. Wethouder Steenbakkers a bisa cu sigur elo lo conseha companianan cu kier expande den exterior pa considera haci esaki na Aruba.

Riba e pregunta di Minister Thijsen tocante camber pa estudiante, sr. Steenbakkers a bisa cu e situacion na Eindhoven ta mesun alarmante cu otro ciudadnan na Hulanda cu tin un poblacion grandi di studiantenan. Gemeente Eindhoven ta sondea hunto cu e institutonan di enseñansa unda tin



escasez na acomodacion pa studiantenan y realiza proyectonan pa aumenta e cantidad di cambernan pa studiantenan. E situacion segun e wethouder ta asina urgente, cu Eindhoven no por duna preferencia na studiantenan for di exterior, manera for di Aruba.

Demisionario Minister Thijsen a gradici wethouder Stijn Steenbakkers pa e recepcion ameno y como aprecio a regala sr. Steenbakkers un dashi di Aruba. Nota pa redaccion: E potret ta cortesía di Arubahuis

MINISTER GEOFFREY WEVER: LEY PA PROTECCION DI E CONSUMIDOR A KEDA CLA

Diamars ultimo Consejo di Minister, riba peticion di Minister Geoffrey Wever, a aproba e ley nobo pa proteha e consumidor. E ley nobo pa proteha e consumidor awo a keda aproba y lo sigui su caminda pa Raad van Advies. Aruba no tawata conoce un ley pa proteha e consumidor, pero awo cu e aprobacion di e ley nobo aki e consumidor lo haya e proteccion cu e mester.

Proteccion di e consumidor ta un prioridad pa ministerio di economia y pa cumpli cu e promesa

cu lo mehora e posicion di e consumidor. Minister Geoffrey Wever a puntra Hulanda asistencia pa traha e ley y den un periodo record esaki a keda finanlisa y awo aproba den Consejo di Minister.

E ley nobo aki ta duna Aruba Fair Trade Authority (AFTA) e autoridad pa supervisa si tin violacion di derecho di e consumidor y den cierto caso impone boet administrativo. Tambe e ley aki ta duna AFTA e tarea legal pa informa e consumidor y empresanan

tocante e derechonan cu consumidornan tin.

“Mi ta hopi contento cu e concepto di ley pa proteha e consumidor a keda cla, esaki ta un paso concreto pa mehora e posicion di cada ciudadano como consumidor y ta parti di haci e economia di Aruba uno mucho mas profesional y inclusivo”, segun Minister Geoffrey Wever.

Despues cu e ley wordo aproba den Parlamento di Aruba, AFTA lo ta responsabel no solamente



pa stimula un competencia husto den nos mercado pero tambe lo contribui na educa consumidornan riba nan derechonan y protehanan contra practicanan inhusto den comercio.

Pa mas informacion over di e responsabilidadnan y tareanan di Aruba Fair Trade Authority (AFTA) por bishita nan webiste www.afta.aw

MINISTER ENDY CROES A RICIBI RECONOCIMIENTO DI DESTROYER RACING Y E MUNDO DI VELOCIDAD

Pa su esfuerso, dedicacion y determinacion pa cu e pista di Palo Marga ta un realidad



Diasabra anochi, Minister Endy Croes acompaña pa su kerida esposa Sra. Dilailah Croes – Odor a acudi na The Real Deal organisa pa Destroyer Racing. E evento a supera tur expectativa. Palo Marga tabata yen yen cu fanatico pa presencia e caredanan. Riba e pista renoba y certifica tabatin careda, show di drifting y pa prome bes tin un Jet “Smart” Car, esta un auto cu motor di avion cu a saca hopi huma y candela. Durante e evento a reconoce diferente persona cu a yuda The Real Deal crece y ta un evento sumamente exitoso.

Den number di e mundo di velocidad, Destroyer Racing a sorprende Minister Endy Croes cu un reconocimiento pa su esfuerso, dedicacion y determinacion pa pista di Palo Marga a bira un realidad. Sr. Jayson Geerman a gradici Minister Endy Croes pa



haci e soño di e coredonan un realidad. MC Monti di Corsou a dirigi palabra elocuente na Minister Endy Croes pa su esfuerso pa logra renoba e pista di Palo Marga pa e deporte stima di Aruba por continua.

Un momento super special tabata ora cu e mandatario di Deporte a subi den un

auto cu piloto Yavin Croes pa haci un excelente show di drifting.

Un momento di suspenso, pero e publico presente a gosa di esaki. “Nos a priminti y nos a cumpli. Nos compromiso pa cu Palo Marga ta sigui”, Minister Endy Croes a subraya.



Prome Minister Evelyn Wever-Croes:

UNDP a expresa su apreciacion pa e liderazgo di Aruba PARTICIPACION DI ARUBA NA CUMBRE DI FUTURO NA NACIONAN UNI A DUNA BON RESULTADO

United Nations Development Programme lo yuda Aruba prepara pa e proximo fase di desaroyo den un forma holistico pa yega na un desaroyo sostenibel

ORANJESTAD – Prome Minister Evelyn Wever-Croes a dirigi e delegacion di Reino durante e Cumbre di Futuro (Summit of the Future) na New York cu a tuma lugá di 21 te 23 di september 2024. E cumbre a wordo convoca mientras cu e mundo ta confrontando hopi desafio relaciona cu desaroyo sostenibel, paz y seguridad.

Obhetivonan di Cumbre di Futuro Nacionnanan Uni:

- Acelera esfuersonan pa cumpli cu compromisonan internacional existente.
- Responde na desafionan y oportunidadnan emergente cu pasonan concreto.
- Produci un Pacto pa Futuro orienta riba accion cu enfoca riba desaroyo

sostenibel, paz y seguridad internacional, ciencia y tecnologia, hobennan y generacionnan futuro, y transformacion di gobernacion global.

United Nations Development Programme (UNDP) Durante e cumbre, Prome Minister di Aruba a reuni cu Michelle Muschett, Director Regional di UNDP (United Nations Development Programme) pa e Bureau pa Latinoamerica y Caribe (RBLAC). Señora Muschett a expresa su apreciacion pa e liderazgo di Aruba den maneho di su recuperacion di COVID-19 y e vision y compromiso den implementacion di e Metanan di Desaroyo Sostenibel (SDG).

Ayudo UNDP pa Desaroyo Sostenibel
UNDP a ofrece pa traha riba e resultadonan di e cumbre y yuda Aruba prepara pa su proximo fase di

desaroyo den un forma holistico tumando na cuenta e diferente aspectonan necesario pa yega na un desaroyo sostenibel. Pa compromete cu henter e comunidad, Nacionan Uni ta enfatisa pa organisa sesionnan participatorio hunto cu comunidad pa yega na un vision nobo pa futuro di Aruba, dirigi na desafionan y realidadnan di e pais.

Con UNDP lo yuda
Basa riba e obhetivonan di e cumbre y e reunion cu Aruba, UNDP por yuda Aruba den e siguiente manera:

- Diagnostico holistico di e pais: Haci un diagnostico detaya integrando factornan social, economico, y ambiental y promove turismo sostenibel y di calidad.
- Tayer di Consultacion Participativo: Involucra stakeholdernan clave pa co-crea solucionnan sigurando cu comunidad local ta beneficia directamente y ta involvi den procesonan



di e decisionnan.

- Sesionnan di repapacion y interpretacion: Anticipa desfionan pa futuro y explora strategianan pa sostenibilidad a largo plazo, enfoca riba crea oportunidad di trabou di calidad preservando recurso natural y cultura di Aruba.
- Desaroya un mapa di ruta delineando punto di entrada di e Metanan di Desaroyo Sostenibel (SDG) y areanan clave pa e aceleracion, enfatisando conexion entre sostenibilidad ambiental, crecimiento economico, y

inclusion social.

- Presenta e conclusionnan pa sigura apoyo politico y acuerdo riba e vision y estrategia actualisa, enfocando riba e rol di Aruba como un lider den sostenibilidad y equidad riba e escenario mundial.

E plan holisitico aki lo yuda Aruba alinia cu su vision di bira un faro global (lighthouse) di sostenibilidad y innovacion, promoviendo un futuro balansa, resiliente, y prospero pa tur su ciudadanonan.

Herfst Vakantie Camp di GLW Foundation



GLW Foundation organisadornan di Miss Teen Aruba y Miss Turismo ta organisa un dushi siman di Vakantie Camp na Plaza Betico Croes di Dialuna 7 October pa Diabierna 11 October di 8:00 am pa 5:00 pm pues henter dia e muchanan lo pasa na Plaza Betico (den airco) y lo siña hopi cos durante e siman.

Lo tin hersengymnastiek, Lectura di Famia Planea, Fundacion Mi Voz ta Voz, Tambe nan lo siña Actua-

cion y lo actua un sketch, Siña Graba Propaganda, Modelo pa un Dia y Seccion di Potret, Kleur, Lectura di Turismo, Hygiene y un curso di baile, Bus Trip y mucho mas. E camp aki ta specialmente pa muchanan di skol basico di 6 pa 12 aña.

Durante e dia tur participante lo haña cos pa come y bebe.

Si mayornan ta desea pa nan yui(nan) pasa un siman disfrutando pero tambe siñando y socialisa, por whatsapp na 561-6151 y aparta e lugar pa e mucha ya cu lugar ta limita, un siman na unda e mucha por intercambia y socialisa cu otro mucha

den un ambiente agradable y tambe siña un poco mas pa su desaroyo y crecimiento personal. Ban laga nos muchanan goza hunto den nos Herfst Vakantie Camp di GLW Foundation.



Polis a bay pa un sospechoso den un van blanco cu a para na e A.T.M. Park na Paradera

Diahuebs mainta tempran a drenta informe di cu security camaranan a capta un persona sospechoso den un van blanco di huur cu a para e van na e A.T.M. park

na Paradera pero tabata cana rond sin haci ningun transaccion, mesora a dirigi un patruya na e sitio. Pero na yegada di e patruya ya no a haya e van aki mas.



Polis para auto coriendo riba ream dañando e caminda y su auto

Diahuebs mainta tempran a drenta informe di cu tin un auto coriendo riba un ream sin tire riba De La Salle-straat bayendo pabao for

di Tempo, mesora a dirigi un patruya na e sitio. Na altura di De La Salle College polis a logra intercepta cu e auto y a para esaki. Po-

lis a ordena e chauffeur pa para e auto cana bay cas y ora haya tire di spare y bin cambia esaki pa asina evita cu e sigui dañe e caminda.



Security a mira e conosido adicto ambulante G.P. cometiendo kiebros den un Taxi na Palm Beach



Diahuebs madruga a drenta informe di via camaranan di seguridad ta mira un conosido adicto ambulante G.P. kibrando y hortando den un auto na Palm Beach,

mesora a avisa polis y a dirigi e polisnan atento di distrito 2 Shaba na e sitio.

Na yegada di e patruya nan a haya e sospechoso y a

mande vloer y a detene pa kiebros y ladronia den un auto.

E auto a ser hiba warda di polis pa mas investigacion y tuma evidencianan.

Paga bo cuenta online ta facil

Sea
Abonnement
of Aviso

Pago online,
facil y lihe



Pa hasi pago online pone number y adres na
cuenta di banco RBC Sunmax Printing
account # 7700000100152447

SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Luna di Oktober, luna di flor, luna di gracia. Dia prome di Oktober tawata Dia di Adulto Mayor, dia di nos grandinan. Pero dia 1 di Oktober tawata tambe e Dia internacional di Koffie.

Lady Ruth no por a bay disfruta di su dushi kopie koffie e dia ey, pasobra, e tawata tin un compromiso cu e grandinan di San Pedro Paviljoen SABA pa bay canta, recita poema y conta storia pa un grupo di mas o menos 12 persona cu un crenchi alzheimer, pero cu a pone atencion hari y goza cu nos e dushi mainta aki, pasobra, Lady Ruth no por a keda sin conta dos tres chasco pa pone un sonrisa riba e caranan. Y nan a hanja e oportunidad tambe pa a brasa e curason cora cu ta bisa "I love you". Danki na lieve dinamico Ivy Goeloe pa e invitacion di curason ! Nos a duna nos presentacion cu hopi amor y carino sigur ! Nos no por pone pics di nos adultonan mayor di e grupo aki di SABA pa proteha nan privacidad y privacidad di nan famianan. Dushi tawata canta hunto e canticanan : "Aya na ser'i trapi", Kerekentenchi, Ban ban pasa un rondo, y hopi



mas, pa culmina e parti aki cu nos segundo himno nacional "Abo so" di Padu Lampe dfm. Lady Ruth a conta su storia "Rene su dushi wega" cu ela conta na scolnan basico anja pasa den luna di November durante e siman di buki. Shonnan, keda pendiente pa e storia aki den un buki muy pronto, cu picsnan na color disenja pa nos gran artista Irene Peterson, danki na e fantastico cooperacion y yudanza financiero di UNOCA. cu ta organisa tambe e.o. camp

pa mucha den e luna aki di Oktober. Asina cu nos tin e buki, pueblo lo tende e bon noticia unda e lo ta obtenibel. E ta un storia pa muchanan di Kleuter y Eerste Klas cu un dushi mensahe den dje pa tene tur rond di nos limpi. Y den nos dushi Papiamento ! E prome siman di Oktober a sigui cana bon y nos a bay hasi coi caweta den e tienda Xclusivo, bisinya di Coffe House y a probecha di cumpra un blusa na prijs hopi barata mes, un tienda di un famia hindu

cu nan di dos cas Aruba. Hendenan carinjos y hopi servicial. Nos a bishita tambe e siman aki BB Coffee place den curason di Piedra Plat y a goza masha hopi mes di a wak e artista Gareth Tromp ta decorando e lugar cu adornonan pa e temporada di Pascu y fin di anja masha bunita mes. Nos a pensa mesora ariba un otro gran artista den decoracion pa Pascu, Fin di Anja y pa tur otro bunita ocasion, nos bunita amiga colega artista Elizabeth Quilotte Croes, cu tin mannan bendiciona y un mente magico creativo super super nice

na pa wowo y curason. Tin biaha cu dushi musica oldies den background cu ta relaha e nervionan hopi mes. Casualmente nos tawatatin nos tshirt bisti cu ta bisa algo di "This is my happy place", pret noh? Pasobra ta casi niun hende no ta anticipa pa bay dentista pa hanja hangua ora di yena djente. Lady Ruth ta keda trankil, pasobra e tratamiento ta profesional y no ta hasi dolor fuerte. Di baina bo ta sinti e toke di e punta di e hangua. Manera nos ta custumbra, nos ta pone nos mesun hendenan den mas luz y duna nan un "pluimpje" pa nan bon trabao sigur na bienestar di pueblo. Danki na tur cu a duna nos un compliment pa nos relato di siman pasa. Nos ta hasi nos best pa sigui inspira tur lector rond di nos cu nos dushi actividadnan. Keda pendiente tambe pa e Musical GREASE bau direccion di Ferdinand Franca y su team di artistanan hoben local den luna di December venidero den Cas di Cultura. Shonnan, no laga tempo bula pasa bo voorbij ! Bay bayla un crenchi na Djiespies Happy Hour riba Diabierna anochi di 7 pa 10 pm . Un "bearhug" di Ruthy ! Te otro siman, Dios mediante.



Mistletoe Pop-Ups Ta trece alegria di pasco na Aruba: Prepara Bo Pa Un Evento di pasco unico !

Oranjestad, Aruba – 1 October 2024 – Alegria di pasco ta jegando e paraíso ! Mistletoe Pop-Ups ta contento di por anunsiá cu e preparashonnan ta andando pa e prome edicion di Mistletoe Christmas Pop-Ups, un evento festivo dedica na e comienzo di e temporada di fin di anja. Di e forma aki, Aruba lo experiencia e sabor di pasco, un celebración di alegria, net dos luna



prome cu pasco ! Den luna di Oktober, tanto localnan como bishitante lo por experiencia e sabor di pasco cu decorashonnan ilumina, cuminda, y mas. Mistletoe Pop-Ups ta priminti di bira

un experiencia unico. E alegria di pasco, y e paz y union cu ta compañía e temporada na Aruba, ta un deseo di hopi. Mistletoe Christmas Pop-Ups ta spera di por compartí e espíritu di e temporada cu e comunidad y tambe nos bishitantenan. Keda pendiente pa mas detaye di e Mistletoe Christmas Pop-Ups, mientras nos ta sigi prepara

pa ricibi e maraviya di pasco. Tocante Mistletoe Pop-Ups: Mistletoe Pop-Ups ta dedica pa creá experiencianan di pasco inolvidabel através di encuentroy, celebrashonnan unico. E aña aki nan ta trece e alegria di pasco den naturalesa, pa promé biaha, tresiendo paz i union den e curason di Caribe. Pa mas informashon , por like y sigi e facebook page di Mistletoe Pop-Ups. <https://www.facebook.com/mistletoepopups>

Minister Thijsen na recepcion di despedida pa embahador di Azerbeidzjan



Den Haag – Demisionario mr. Ady Thijsen tabata na un recepcion di despedida pa embahador di Azerbeidzjan na Hulanda Rahman

Mustafayev. diplomatico pa Azerbeidzjan. Demisionario Minister Thijsen a desea embahador Mustafayev tur clase di exito na su proximo puesto

HOTLINE

744-0444

CAPT'E Y MAND'E

Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 4 OCT 2024 Merdia

 Sorteo # 4408 2084 4924 8285 X2 Sorteo # 4408 8442 X2 Sorteo # 2464 6915 Sorteo # 4408 2966 Tauro Sorteo # 1282 978 FP	 Sorteo # 0 x Jackpot 0 x Match 4+ 0 x Match 4 0 x Afl. 12,00 Sorteo # 0 x Jackpot 0 x Match 4 0 x Afl 8,00 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00 Afl. 420.000,- Sorteo #	<table><tr><th>Joker</th><th>Letter</th></tr><tr><td colspan="2">Proximo Jackpot</td></tr><tr><td colspan="2">160.000,-</td></tr></table> <table><tr><th>Mega Ball</th></tr><tr><td>Proximo Jackpot</td></tr><tr><td>320.000,-</td></tr></table>	Joker	Letter	Proximo Jackpot		160.000,-		Mega Ball	Proximo Jackpot	320.000,-
Joker	Letter										
Proximo Jackpot											
160.000,-											
Mega Ball											
Proximo Jackpot											
320.000,-											

Siman di Housekeeping na La Cabana Beach Resort & Casino




Eagle Beach. -- E celebracion di Siman di Housekeeping na La Cabana Beach Resort & Casino tabata un evento di alegria, yena di aprecio, bon ambiente, y cordialidad. E serie di evento memorabel, pa honra e trabou duru y dedicacion di e team di Housekeeping, a cuminsa cu un delicioso desayuno den e sala grandi. Esaki tabata e preparacion pa loke a bira e tremendo ambiente p’e siman venidero. Miembronan di e comision ehecutivo, hunto cu Assistant Manager di Housekeeping, Nilda Girigori, a comparti algun discurso hopi profundo,expresando e amor y dedicacion p’e compromiso y profesionalismo firme dentro di e team. E evento di e siman tabatin un Nochi di Pelicula, lunch den e sala grandi, un lunch special pa e supervisor di housekeeping na El Gaucho, y un conferencia di Team Building dirigi pa e dinamico Belkis Moreu. E actividadnan di Team



Building a inclui un tecnica cu yama Ho’Oponopono, un meditacion pa sanacion profundo, cual a yuda fortalece e lasonan y brinda lesnan hopi valioso den loke ta colaboracion y comunicacion. E siman a culmina cu un trip den Party Bus, na unda tur hende a disfruta, baila y canta, asina treciendo e festividadnan na un conclusion hopi alegre y divertido. La Cabana kier duna un danki di curason na su

ekipo tremendo di Housekeeping. Nan trabao duro y dedicacion ta sigura cu bishitantenan semper ta sinti bon bini y safe. Miembronan di gerencia y personal a keda sumamente agradecido pa tur loke e ekipo di housekeeping ta haci. Pa un siman completo, miembronan di e team di Housekeeping tabata e punto principal di atencion, nan a gosa ful di e ambiente entre colega cu hopi aprecio na otro.



OLIVE TREE'S
PRE-PAID
FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabiernes | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

SUDOKU

	1			2				8
	5	2			3		1	9
8	6	9	5	1			3	
6		3	7	5	8	9	2	1
		7	2			5	4	
2	9	5	6		1	3		
9	3	6	1	8			7	
4	2			7	6	8		
5	7	8	4	9		1	6	3

4		1	2	9			7	5
2			3			8		
	7			8				6
			1		3		6	2
1		5				4		3
7	3		6		8			
6				2			3	
		7			1			4
8	9			6	5	1		7

Trekkingslijst van de Landsloterij

12de trekking																											3 oktober 2024								
KEEN	2003	250	3810	600	6035	600	8087	600	10146	750	12161	200	14103	250	16103	250	18184	350	20173	600	22449	600	24203	250	26584	350	28661	200	30806	600	32784	350	34884	350	
HEDEN	2046	600	3826	600	6060	600	8088	600	10161	200	12184	350	14112	600	16135	600	18194	600	20184	350	22461	200	24261	600	26584	600	28674	600	30808	600	32802	600	34884	600	
3	250	2061	200	3827	600	6061	200	8103	250	10184	350	12203	250	14115	600	16161	200	18203	250	20186	600	22471	600	24284	350	26585	750	28684	350	30818	600	32803	250	34903	250
TIEN	2077	600	3861	200	6085	600	8161	200	10255	600	12285	600	14153	600	16184	350	18205	600	20203	250	22484	2000	24303	250	26586	600	28703	250	30819	600	32807	600	34923	600	
TALLEN	2084	350	3872	600	6093	600	8184	350	10259	600	12303	250	14161	200	16203	250	18206	600	20211	600	22503	200	24307	600	26603	800	28711	600	30845	600	32822	750	34934	600	
14	600	2103	250	3903	250	6125	600	8232	600	10265	600	12357	600	14227	600	16261	600	18261	600	20303	250	22584	350	24380	600	26703	250	28784	350	30961	200	32903	600	34984	350
35	600	2120	600	3934	600	6150	600	8241	600	10279	600	12361	200	14250	600	16268	600	18262	2500	20361	350	22587	600	24384	350	26712	600	28803	250	30984	350	32938	600	34986	600
56	600	2121	600	3961	200	6157	600	8261	1000	10282	350	12363	600	14263	600	16284	350	18268	350	20361	350	22587	600	24403	250	26713	600	28817	600	30985	600	32946	600	34986	600
61	200	2161	200	3964	600	6161	200	8275	600	10289	600	12370	600	14263	600	16303	250	18264	1000	20419	600	22601	1000	24432	600	26761	200	28829	600	30985	600	32961	200	34986	600
84	350	2184	350	3971	600	6181	600	8284	350	10298	600	12384	350	14271	600	16361	200	18264	1000	20419	600	22601	1000	24432	600	26761	200	28829	600	30985	600	32961	200	34986	600
94	600	2185	600	3973	600	6184	350	8303	250	10303	250	12384	600	14284	350	16362	600	18265	1000	20421	600	22601	1000	24432	600	26761	200	28829	600	30985	600	32961	200	34986	600
TIEN	2203	250	3984	350	6195	600	8309	600	10313	600	12400	600	14295	600	16378	600	18266	1000	20426	600	22601	1000	24432	600	26761	200	28829	600	30985	600	32961	200	34986	600	
TALLEN	2210	600	3992	600	6203	250	8323	250	10333	250	12403	250	14303	250	16384	350	18267	1000	20429	600	22601	1000	24432	600	26761	200	28829	600	30985	600	32961	200	34986	600	
99	600	2223	600	4000	600	6223	600	8350	600	10350	600	12403	250	14303	250	16384	350	18267	1000	20429	600	22601	1000	24432	600	26761	200	28829	600	30985	600	32961	200	34986	600
HOEDER	2249	600	4003	250	6261	600	8362	600	10391	600	12418	600	14384	350	16484	1000	18303	250	20502	600	22604	1000	24484	350	26884	350	28914	600	31006	600	33003	250	35004	600	
TALLEN	2261	600	4008	600	6284	350	8382	600	10403	250	12461	200	14397	600	16503	250	18320	600	20503	250	22604	1000	24484	350	26884	350	28914	600	31006	600	33003	250	35004	600	
103	250	2291	600	4084	350	6303	250	8403	250	10413	600	12477	600	14407	600	16533	600	18361	200	20561	200	22606	1500	24604	600	26961	200	28941	600	31063	600	33091	600		
131	600	2296	600	4103	250	6311	600	8427	600	10419	600	12480	2000	14414	600	16561	200	18377	600	20584	350	22607	1500	24661	200	26968	600	28961	200	31084	350	33103	250		
142	600	2297	600	4161	200	6347	600	8461	200	10434	600	12481	2000	14415	600	16561	600	18384	350	20597	600	22608	1500	24666	600	26984	350	28984	350	31086	600	33110	600		
161	200	2298	600	4184	350	6352	600	8469	600	10461	200	12481	600	14419	600	16577	600	18403	250	20603	800	22609	1500	24667	600	26984	350	28984	350	31086	600	33110	600		
184	350	2303	250	4196	600	6361	200	8484	1000	10484	1000	12482	2000	14461	200	16584	350	18437	600	20647	600	22637	600	24672	600	26984	350	28984	350	31086	600	33110	600		
198	600	2305	250	4203	250	6363	250	8487	600	10487	600	12483	2000	14461	200	16584	350	18437	600	20647	600	22637	600	24672	600	26984	350	28984	350	31086	600	33110	600		
201	600	2357	600	4261	600	6384	350	8508	600	10508	600	12483	2000	14461	200	16584	350	18437	600	20647	600	22637	600	24672	600	26984	350	28984	350	31086	600	33110	600		
203	250	2361	200	4284	350	6403	250	8557	600	10518	600	12483	2000	14461	200	16584	350	18437	600	20647	600	22637	600	24672	600	26984	350	28984	350	31086	600	33110	600		
261	600	2369	600	4293	600	6412	600	8561	200	10550	600	12483	2000	14461	200	16584	350	18437	600	20647	600	22637	600	24672	600	26984	350	28984	350	31086	600	33110	600		
284	350	2383	600	4303	250	6422	600	8563	600	10561	200	12483	2000	14461	200	16584	350	18437	600	20647	600	22637	600	24672	600	26984	350	28984	350	31086	600	33110	600		
303	250	2384	350	4309	600	6441																													



Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

Pa mas informashon por tuma contacto cu oficina na
585-9500 of na 741-4554

ORACION DI DIA



**Un feliz comienso di weekend cu hopi
gracia, amor y fe den Señor.**

....."No sa sker un pida di un paña nobo pa lapi un
bisti bieu".....(Lucas 5, 36)

No ta keda na nos pa husga kico ta bon pa iglesia. Paso
Hesucristo ta sacramento di Dios Tata y iglesia ta sacra-
mento di Hesucristo nos Señor.

Cu yudansa di Spirito Santo iglesia ta constantemente
den
renobacion. Den e cambio aki Dios ta nos refugio y kier
reconcilia nos cu n'E. Tradicion tambe ta contene cam-
bionan continuamente. Cu binida
di Hesus mes tabata un renobacion di e creacion na
bienestar di e humanidad. No ta exclui ma ta inclui tur
hende cu tin derechonan di
haya salvacion. Esaki ta e aliansa nobo. Ban tene cuenta
cu Hesus ta
origen di tur cos y acepta fielmente e renobacionnan cu
ta necesario pa tur haya bida eterno.

Oracion: Tata Santo nos ta gradici Bo pa un iglesia uni-
versal militante y triunfante.

Cu San Miguel Arcangel proteha nos semper na camin-
da pa cielo, den practica husticia y caridad den nomber
di Hesus di Nazaret.
Amen

FORTALEZA PA FAMILIA

Scirbi pa Pastor Marcel Balootje.

DIOS MES LO PAGA TUR ESNAN CU TA HACI BON OBRA

Ora nos yuda un persona
den necesidad, nos no mes-
ter spera nada di e persona
ey bek, pasobra e pago di
locual nos a haci ta bini di-
rectamente di Dios y no di
e persona.

Pesey no haci bon na hende,
y despues papia of reclama
cu e persona no a demostra
gratitud, pasobra locual
bo a haci ta pa glorifica e
nomber di Dios,

Tur hende mester sa locual
Dios su palabra ta bisa:

Esun cu tene misericordia
di un hende pover, ta fia
Señor y E lo page pa su bon
obra. (Proverbionan 19:17).

Ma ora bo ta duna limosna,
no laga bo man robes sa
loke bo man drechi ta haci,
pa bo limosna keda den
scondi, y bo Tata, cu ta mira
den scondi lo recompensa-
bo.(Mateo 6:3-4).

Ora bo haci bon na hende
dilanti di Dios, bo no ta
keda sin haña bo recom-
pensa, pasobra Dios mes ta
recompensa tur esnan cu
haci bon na nan prohimo, y
e ta bini ora cu bo no ta spe-
ra, y si bo bida ta dedica na
Cristo Hesus, bo tin dobbel
recompensa aki na tera y
tambe den cielo.

Bon obra no ta salba nin-
gun hende, no pensa cu bo
ta biba malo, contra bolun-
tad di Dios, meymey di ma-
licia, inmoralidad, orguyo,
amargura y falta di pordon,
y haciendo bon obra lo bo
ricibi salvacion,

Palabra di Dios ta bisa den
Efesionan 2:8-9:
Pasobra pa medio di gracia
boso a wordo salba door di
Fe, y esey no di boso mes: e
ta don di Dios, no como re-
sultado di obranan pa ni un
hende no gaba.



No laga ningun hende
pensa of kere cu pasobra e
ta duna na pover, porta di
cielo ta habri pe absoluta-
mente cu no.

Palabra di Dios ta bisa cu
nos mester kere den Cristo
Hesus pa nos tin bida eter-
na, un hende por haci bon
obra y keto bay ta bibando
bao di condenacion, paso-
bra e no a kere den e Yiu
unigenito di Dios (Juan
3:18).

Nos tur conoce e historia di
un gran traficante di droga
cu tabata distribui of bende
droga casi rond mundo, y
tambe matando hende po-
ber y importante, y cu e
placa cu e tabata ricibi, e ta-
bata traha cas, y veldnan di
futbol pa comunidad, esey
ta locual ta bay rond riba
mundo awendia, haci bon
obra cu placa sushi, placa
di sanger, placa di corrup-
cion, Y nada di e cosnan ey
no ta hiba hende na cielo.

Pasobra nan ta muestra bon
den bista di hende, pero e
tipo di hechonan asina no
ta agrada Dios.

Pasobra si no tin arepentim-
ento y aceptacion di Cris-
to Hesus personalmente no
tin salvacion y bida eterna.

Un hende por haci bon,
pero si su bida ta den scur

idad, inmoralidad, abomina-
cion y e no kier sali, aunke
e sa cu e ta robes, su haci-
mento di bon obra no ta
forma parti di su salvacion
y bida eterna.

Tur loke boso haci, haci boso
trabao di curason, como pa
Señor, y no pa hende, sabi-
endo cu for di Señor boso
lo ricibi e recompensa di e
herencia. Ta Señor ta Esun
cu boso ta sirbi. Pasobra
esun cu haci malo lo ricibi e
consecuencianan di e mal-
dad cu e a haci, y esey sin
distincion di persona.(Co-
losensenan 3:23-24).

Esaki ta un palabra fiel y e
cosnan aki, mi kier pa bo
confirma constantemente
pa esnan cu a kere den
Dios, percura di haci bon
obra, E cosnan aki ta bon
y di probecho pa hende. (Tito 3:8).

